

О'ZBEKISTON RESPUBLIKASIDA XODIM AYOLLARNING TUTGAN O'RNI

Mamarashidova O'g'ilo' Baxodir qizi

"Ichki ishlar Vazirligi" akademiyasi 2-kurs kursanti

Annotatsiya: Maqolada O'zbekistondagi xodim ayollarning bugungi kundagi natijalari, jamiyatdagi ishtiroki, xodim ayollarning ortib borayotgani, yurtimizda xotin-qizlar, voyaga yetmagan yoshlar tomonidan huquqbuzarlik va jinoyatning keskin kamayishiga asos bo'lib xizmat qilayotgani yoritib berilgan.

Kalit so'zlar: O'zbekistondagi sportchi xodim ayollar, ayollarning jamiyatdagi ishtiroki, voyaga yetmaganlar, gender tenglik, jinoyatchilik, huquqbuzarlik.

KIRISH

O'zbekiston respublikasida xodim ayollarning jamiyatda tutgan o'rni kun sayin o'zgarib kelmoqda. Bugungi kunda ayollar o'zlarining huquqlarini himoya qilish, siyosiy va ijtimoiy sohada faol ishtirok etish, oliy ta'lim oish, ishlash imkoniyatlariga ega bo'lish, boshqaruv sohalarda o'zaro hamkorlik qilish va boshqaruv organlarida o'z o'rinlariga ega bo'lmoqdalar. Bugungi kunda barcha sohalarda shu jumladan ichki ishlar, mudofaa, milliy gvardiya organlarida ham xotin-qizlar soni yil sayin ko'paymoqda. Sababi xodim ayollarimizga, jamiyatdagi qizlarimizga davlatimiz rahbari yuksak ishonch va shart-sharoitlar yaratib bermoqdalar. Xodim ayollarimizning ortib borayotgani bejiz emas. Prezidentimizning "Ayolni faqat ayol tushunadi" degan so'zlari buning asl sababidir.

Jismonan baquvvat, ma'nan yetuklikda davlatimizdagi xotin-qizlarimizga o'rnak bo'lish niyatida xodim ayollarimiz havas qilarli yutuqlarga erishmoqdalar. Bulardan ; O'zbekiston Respublikasi Milliy gvardiyasi harbiy xizmatchisi Qodirova Rayxona Yusuf qizi book turi bo'yicha Xalqaro toifadagi sport ustasi, O'zbekiston Respublikasi Ichki ishlar Vazirligi Akademiyasi xodimi O'rmonova Malika joriy yilning 7-8-may kunlari Buxoro shahrida o'tkazilgan O'zbekiston chempionatida yettinchi marotaba O'zbekiston chempioni bo'ldi, Hushmurotova Muyassar endigi-na Ichki Ishlar organlari xodimlari safiga qo'shilganiga qaramay, joriy yilning 17-19-oktabr kunlari Nukusda ayollar kurashi bo'yicha bo'lib o'tgan "New Uzbekistan" musobaqasida oltin medal va chempionlik kamarini qo'lga kiritdi, Milliy gvardiya harbiy xizmatchisi Raximova Tursunoy Xalqaro toifadagi sport ustasi hamda "Jasorat" medali sohibasidir. Shu vas hu kabi boshqa xodim ayollarimiz huquqbu-zar, jinoyatchi ayollar qatlami bilan psixologik ishlamodalar. Kundan-kunga bun-day xodim ayollarimiz sonining oshib borishi jamiyatdagi xotin-qizlarimizning hu-quqbuzarlik va jinoyatdan

tiyilishiga olib kelmoqda. Bu soʻzning isbotini quyidagi holatlarda koʻrishimiz mumkin:

2022-yilda Qashqadaryo viloyatida xoltin-qizlar tomonidan 41ta, yoshlar tomonidan esa 23ta jinoyat sodir etilgan. Yil davomida xotin-qizlar masalalari boʻyicha profilaktika inspektorlari tomonidan respublika boʻylab “Turmush” va “Nazorat” tadbirlari oʻtkazilib, 11mingdan ortiq oilalarning muammolari yechilgan. Profilaktik ishlar va koʻrsatilgan psixologik yordam orqali 12 ming 843 nafar oila yarashtirilgan, shuningdek 11ming 640ta oiladagi nizolar bartaraf etilgan. Yuqoridagi koʻrsatkichlar oldingi yillardagi koʻrsatkichlardan keskin pasayganini koʻrsatadi. Bundan bilishimiz mumkinki rostan ham “Ayol dardini ayol tushunadi”. Xodim ayol qalbidan chiqqan soʻzlar, jamiyatdagi ayollarning yuragiga yetib boradi. Hozirda ayollar, voyaga yetmaganlar tomonidan sodir etilayotgan jinoyatlar, huquqbuzarliklar, oilaviy mojarolar, nikohdan ajralishlar barchasi xotin qizlarimizning huquqiy ongi pastligi va qonunlarni notoʻgʻri tadbiq etishidan kelib chiqmoqda. Misol uchun; yosh qizlar va kelinlar gender tenglik tushunchasini toʻgʻri anglab yetmaganlar. Gender tenglik aslida faqat huquqlarda tenglashishdir, majburiyatlarda emas. Manashu va shu kabi tushunchalarni toʻgʻri anglab yetishlarida ularga ayol xodimlarimiz yordam beradi. Tizimdagi ayol xodimlarimiz jamiyatdagi xotin-qizlarimizning erkak xodimlarga aytolmagan dardlarini tinglab yechim topsalar, yoshlik qilib jinoyatga qoʻl urmoqchi boʻlgan voyaga yetmagan yoshlarimiz bilan sidqi dildan ishlasalar davlatimizda oilalar farovon, jinoyat va huquqbuzarliklar yoʻq boʻladi.

FOYDALANILGAN ADABIYOTLAR :

1. Oʻzbekiston Respublikasi Prezidentining nutqi.
2. Akadmvd.uz
3. Milliygvardiya.uz